

Sarajevo, **18-05-2020**

Broj: **01-04-4-21944**

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-21162 od 12.05.2020. godine, Generalna direktorica donosi:

ODLUKU

o izboru najpovoljnijeg ponuđača
za nabavku električnog viljuškara za potrebe Kliničke apoteke KCUS-a

I

Prihvata se prijedlog Komisije za nabavku električnog viljuškara za potrebe Kliničke apoteke KCUS-a, po Izvještaju br. 10-33-4-21162 od 12.05.2020. godine, nakon provedenog postupka javne nabavke putem konkurentskog zahtjeva i ugovor dodjeljuje najpovoljnijem ponuđaču:

EDNIL d.o.o. Sarajevo

Cijena: 49.998,00 KM + PDV 8.499,66 KM = 58.497,66 KM sa PDV-om

Tip/model: Toyota-8FBMK2OT

Uslovi plaćanja u roku 30 dana od dana isporuke, edukacije uposlenika ugovornog organa, te ispostavljanja fakture.

Garantni rok na ponuđeni viljuškar i bateriju je 24 mjeseca ili 2000 radnih sati od dana isporuke (u što ne spadaju potrošni dijelovi/ npr. crijeva dihtunzi, točkovi)

Rok isporuke: 7 dana od dana potpisivanja ugovora i izdavanja narudžbenice .

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, ukoliko istu nisu predali uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

III

Ova Odluka stupa na snagu danom donošenja i bit će objavljena na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

O B R A Z L O Ž E N J E

U skladu sa Odlukom Generalne direktorice KCUS-a broj: 01-04-4-14197 od 17.03.2020. godine, pokrenut je postupak javne nabavke pod nazivom **nabavka električnog viljuškara za potrebe Kliničke apoteke KCUS-a**. Procijenjena vrijednost nabavke je 49.998,00 KM bez PDV-a. Nabavka je planirana privremenim Planom javnih nabavki za 2020. god. pod klasifikacijom robe redni br 20. (Odluka o usvajanju privremenog Plana javnih nabavki Kliničkog centra Univerziteta u Sarajevu za 2020 godinu, broj: 478/20 protokol br. 02-01-5014/20). Klinički centar Univerziteta u Sarajevu je na portalu E-nabavke dana 30.04.2020 godine objavio Obavještenje o nabavci broj: 893-7-1-370-3-152/20 zajedno sa Tenderskom dokumentacijom.

U skladu sa Čl.88 Zakona o javnim nabavkama Poziv za učešće u postupku javne nabavke putem e-maila upućen je slijedećim ponuđačima: OBI d.o.o. Sarajevo, Ednil d.o.o. Sarajevo i Penny Plus d.o.o. Sarajevo. Tendersku dokumentaciju sa portala e-nabavke preuzelo je 12 (dvanaest) potencijalnih ponuđača, a do krajnjeg roka

Obilavko Ivan Zekic

određenog za prijem ponuda, dana 12.04.2020. godine do 10,30 sati, dostavljena je 1 (jedna) ponuda ponuđača: **EDNIL d.o.o. Sarajevo** (broj protokola: 10-11-3-21063 dana 12.05.2020 u 9,45 sati).

Komisija imenovana Odlukom broj: 01-04-4-20694 od 08.05.2020. godine je izvršila uvid i provjeru svakog dostavljenog dokumenta i ustanovila da dostavljena ponuda ponuđača **EDNIL d.o.o. Sarajevo** sadrži tražene elemente ponude i ispunjavaju formalno pravne i tehničke zahtjeve postavljene tenderskom dokumentacijom, te je prihvatljiva i može učestvovati u daljem toku javne nabavke.

Za predmetni postupak nabavke dostavljena je 1 ponuda, pa u skladu sa Članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) nije bilo moguće zakazati e-aukciju, te se postupak nabavke okončava u skladu sa članom 69. stav 1)a) ZJN.

Obzirom da je zadovoljena transparentnost i da je cijena prihvatljive, jedine ponude u okviru osiguranih sredstava za nabavku, Komisija je Izvještajem br. 10-33-4-21162 od 12.05.2020. godine dala prijedlog, da se donese odluka o izboru najpovoljnijeg ponuđača i ugovor dodjeli ponuđaču **EDNIL d.o.o. Sarajevo**, a u skladu sa dostavljenom ponudom, koja će biti sastavni dio Ugovora.

Prijedlog Komisije je prihvaćen i donosi se odluka kao u dispozitivu.

**GENERALNA DIREKTORICA**
Prof. dr. Sebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

Abdusabur Izetbegović